

大日本史

八十五

第二百五卷 將軍家臣列傳
 足利高經 上杉憲顯 今川範國
 第二百六卷 將軍家臣列傳
 細川和氏
 第二百七卷 將軍家臣列傳
 畠山國清 仁木賴章 石塔賴房 小笠原貞宗

和書門	一五七九	函	號	類
	二一四	架	冊	
	一五〇	冊	架	

庫文閣内	一五七九	函	架
内閣文庫	一五〇	冊	架
番號	和 15179		
冊數	150(85)		
函號	269	25	



大日本史卷之二百五

淺草文庫

列傳第一百三十二

權中納言從三位源光圀 修

男權中納言從三位綱條 校



女孫權中納言從三位治保 重校

將軍家臣十五

足利高經 子義將 石橋和義

上杉憲顯 上杉重能

今川範國 子範氏 貞世 賴貞



足利高經或稱斯波與尊氏同宗曾祖家氏
 宮内少輔泰氏之長子北條朝時之外孫也
 為中務權大輔尾張守祖宗家左近衛將監
 父家貞稱尾張二郎亦皆北條氏之出也高
 經小字千鶴麻呂稱尾張孫三郎歷右馬頭
 敘從四位下任修理大夫兼尾張守尊卑為
 越前守護太平記斯波系圖建武二年與尊氏同反
 官軍來討尊氏失利高經與土岐賴遠等破
 官軍於竹本遂進陷京師延元元年尊氏再

逼車駕於延曆寺高經在越前斷官軍北路
 餉道及帝還京師新田義貞奉皇太子如金
 崎脇屋義助新田義顯投瓜生保拙山城高
 經承尊氏旨誘降保義助義顯遁走金崎高
 經因併保兵與高師泰俱圍金崎保弟重等
 推脇屋義治復起兵於拙山保悔降尊氏拔
 營逃還拙山高經踵進為保所敗還復與師
 泰圍金崎明年城陷高經縱火燒之縱火據島津文
 書部下島津忠治執皇太子於蕪木浦即護

送至京師、義貞、義助兵復起于後、高經還陣、越前國府、作三十餘砦、連綿控制、時方隆冬、北越、馭寒、士卒手凍、不堪大戰、兩軍相持、久不決、三年二月雪消、諸路漸通、義助率輕騎、按視要害、高經諜知、即遣出羽守某等圍之、
○金勝院本作細川孝基、而義貞戰死條作義續、一書予盾、今不取、義助殊死戰、細川某等敗退、義助兵火靖江民家、義貞望見、縱兵馳至、高經與弟家兼家兼名據尊卑分脈率兵三千赴之、阻河而陣、義貞與渡河進、高經

盡銳當之、戰酣、義貞別軍繞出高經後、悉焚府中屋舍、高經駭走、欲保新善光寺城、追騎急逼、不能入城、直奔足羽、保黑丸城、家兼遁、若狹、於是諸城望風出降、義貞乘勝攻足羽、高經禦戰累捷、義貞、義助復大發兵、刻日期、必拔、時城兵僅三百、高經謂眾寡不敵、而諸道既斷、棄城走、亦不可得、方今之計、唯有死守爾、
太平記 城主朝倉廣景奮曰、公言是矣、戰守之法、顧方略如何耳、兵之寡固非所憂也、

天正本太平記廣景名據朝倉系圖乃築七城于足羽藤島之

間益固守備先是平泉寺僧徒屬義助守三
峯城至是遣使曰頻年延曆寺與我爭藤島
莊今以地見歸我當出兵為援高經大喜報
書許之且言事濟別有厚賞也僧徒利之乃
擇健者五百人守藤島義貞分兵攻之不利
乃親率輕騎馳救時日已晚高經使細川某
鹿草某將兵三百援藤島道遇義貞使弓手
蔽楯射箭中義貞額義貞自刎越中人氏家

重國

○異本
作光範

探求其首於淖中併獲其所帶

雙刀及小錦囊還示高經高經意謂酷似義
貞面嘗記其左眉上有箭瘢洗血驗之果然
且囊中有帝手詔乃使重國函其首傳于京
師葬骸於佛寺明年脇屋義助將畑時能攻
諸砦乘夜至黑丸城據高射下將待後繼而
拔城上木家光言於高經曰嚮彼不諳地勢
左中將之所以敗死今我兵多降為彼鄉導
而時能勇壯無前我部下誰能敵之且城孤

援絕、欲共爭鋒、非計之得、不如少退避銳也、
衆皆然之、即夜燒五城走加賀、依富樫介、本

名關保那谷城、那谷城據尋與高師治將兵七

千餘、圍時能于鷹巢城、晝夜攻戰數十合、時

能中矢而死、於是官軍終燼、北國悉為尊氏

之有、實高經之力矣、初義貞之死也、高經獲

其佩刀、所謂鬼切鬼丸、而源氏嫡嗣所傳也、

尊氏遣使索之、高經吝惜不出、更燒爛他刀

而與之曰、嚮納刀於長碕佛寺、值災被燒、或

訐之、尊氏大恚、以故不賞其功、高經居常快

快不樂、會尊氏與弟直義有隙、及足利直冬

起兵、高經應之、從戰神南及東寺、既而直冬

兵敗西走、太平記高經歸于越前、園太圖再舉

尋薙髮號道朝、尊卑外傳正平十年執事

細川清氏歸順、攻足利義詮不利、先是義詮

數遣使厚禮招高經、高經遂率子氏賴義將

等出降、太平記○園太曆為義詮以清氏屬

官軍、求其代而難其人、先是氏賴娶佐佐木

高氏女時高氏為義詮所親重威權無二衆咸希其意以執事擬氏賴義詮意亦嚮之而義將乃後妻所生高經鍾愛欲其得職乃密撻氏賴之短沮之盛稱義將為人義詮性素無斷人之所言易聽從遂以義將為執事時義將年尚弱高經代行其事時人以其耆宿想聞風采而為政嚴刻無復忌憚初尊氏令諸國守護年輸軍賦五十分一高經更下今增為五十分一由是失望於諸將時方修五

條橋

○今川家本作四條

命佐佐木高氏董役課京師

每戶率錢以給其費愆期不成高經故出私財代造之不日而就高氏甚愧常思所以報之二十一年高經置酒於義詮家豫約諸將高氏亦豫焉至期高氏不往更多從妓樂遊大原野廚饌帳具窮極華侈都下傳為盛事高經聞而銜之欲中以法未得其隙時高氏不輸軍賦者兩歲高經乃罷其攝津守護削多田莊義詮創別第于萬里小路今諸將助

作、高氏女婚赤松則祐與焉、高經復糾其稽
 緩、罰奪食邑一所、高氏積不能平、乃與則祐
 謀除高經、陰連結諸將、屢譖義詮、義詮納其
 言、輒遣佐佐木氏賴徵兵於近江、高經入見
 義詮、謂曰、臣以凡庸久處大任、所以謗訕實
 多也、若以為有罪而欲賜之死、則一使而足
 何至遽徵兵諸國耶、臣衰殘之餘、不敢自惜、
 願將軍少垂矜察、因聲淚共下、義詮亦泣久
 之、高經欲起而出、義詮前席告曰、卿言我固

知之矣、吾亦為眾所逼、業已至此、莫如之何
 也、卿其為我暫就國以避諸將之怒、高經乃
 退、既而佐佐木氏賴率兵入京師、高經亦聚
 家族、欲圖一決、義詮使僧覺濟○北條家本
南都本天正
本覺作光、而載
等持寺僧、默庵、曉諭再三、即夜高經與子弟
 將騎三百馳還越前、義詮不得已嚴兵為之
 備、高經留家臣二宮貞家、貞家名據
諸異本率兵五
 百、陽為欲戰狀、義詮兵驚亂、貞家計高經行
 已遠、縱火而走、縱火據毛利
家本天正黎明至長坂、追

騎已至坂下、貞家秣馬示間、敵知有備引還、高經抵越前、據杣山城、將經略北國、義詮遣畠山義深等七千餘人圍之、高經乘城固守歲餘、二十二年秋暴病死于圍中、初高經為守護累歲、收國中寺社封戶之半、分給家臣食邑、併奪東大寺封戶河口莊、僧徒嗷怒、奉春日神木入京、置高經宅前、訴之、後光嚴院詔納神木於長講堂、而廷臣咸憚高經、無敢言者、訟不斷三年、既而怪異屢見、時人為之

怖懼、尋高經家火、資財蕩盡、高經愀然、不以為意、隨燒復作、制度倍前、居未幾罹禍、人以為神譴焉、太平記五子家長、氏經、氏賴、義將、義種、家長稱孫次郎、○太平記次郎作三郎敘從五位下、尊卑分脈為陸奧守、延元二年、邀擊中納言源顯家、于鎌倉杉本、不克而死、參取尊卑分脈、太平記、常樂記、保曆間記、○分脈氏經為民部少輔、左京大夫、尊卑分脈孟采、七尊為筑紫探題、抵豐後、菊池武光來攻、氏經使子松王丸率沙貳賴尚等

七年、手本邀戰、爭長者原、敗還。氏經退保高崎、
 城、又為武光所圍、歲餘不解。氏經脫走還京、
 辨髮為僧、不知所之。初、氏經赴任、艤于兵庫、
 每船載妓、識者知其必敗。太平、氏賴敘從、
 位下、為左衛門佐。尊卑分及弟義將為執事、鬱
 鬱不樂、削髮出家。太平記號信琪庵主、斯波義
 種為伊豫守。尊卑分義將善和歌。印本尊高經愛之。太平記尋從高
 七年、代細川清氏為執事。太平記尋從高

經走越前、據栗屋城、及高經死、義將請降、足
 利義詮釋之、是歲義詮薨、義滿嗣立。太平始
 改執事為管領、義將罷管領。印本尊建德元
 年、桃井直常遣其子直和出軍於越中、長澤、
 義將以本國守護、與富樫某俱擊之、斬直和。
 花營三代記明年直常再舉兵于越中、義將又併
 能登兵擊破之。花營三代記以破直常功為守護。
 者、天授五年、再為管領。尊卑分元中八
 年罷。尊卑分明德四年、又為管領、應永

五年罷尊卑分脈每侍義滿隨事開導多所匡益
 義滿嘗觀犬追物曰此武事不可廢然奈街
 藥之變義將曰衆人傷則患止一身明公傷
 則惠及四海嘗有罪人義滿欲毀其家義將
 從容謂曰古罪人第不毀曰何以知之對曰
 昔平康賴自流所召還作歌曰布流佐斗能
 能伎能伊多麻珥古計牟志氏於毛比志保
 杼波毛羅奴津伎加奈以是觀之古之處罪
 不毀其家也義滿皆納之件日官左衛門

佐治部大輔聽昇殿尊卑分脈為越前越中
 能登信濃佐渡若狹等守護削髮更名道將
 號雪溪世稱勘解由小路斯波系圖十五年義滿
 薨敕贈太上法皇位義將以為人臣贈位至
 法皇古未有也遂勸義持辭之東寺修十七
 年卒斯波系圖稱法華寺印本尊卑分脈子義重
 初名義教或分脈教歷治部大輔右兵衛督
尊卑分脈應永十二年襲管領職印本尊卑分脈世
 以斯波細川畠山稱三管領參取文祿清談

石橋和義初名氏義、稱尾張三郎、與足利高
 經從祖兄弟也、祖義利稱廣澤太郎、父義博
 稱吉田三郎、和義歷從五位下、左近衛將監、
 左衛門佐、參河守、尊卑分脈從足利尊氏反、犯京
 師、尊氏之走筑紫也、慮為官軍所追襲、留和
 義於備前、○本書或作尾張氏賴與田井飽浦松田内
 藤福林寺諸氏據三石城、築寨于甲斐河、塞
 船坂杉坂之隘、以扼斷水陸、新田義貞將兵
 西征至播磨、遣弟脇屋義助攻船坂、不能進、

會兒島高德應義貞舉義熊山、約期日前後
 攻船坂、和義以敵起國內大懼、乃分遣三石
 船坂守兵三千攻熊山、脇屋義助兵由間道
 出三石驛西、船坂兵不意敵至、以為吾兵自
 熊山還也、不復設備、義助兵縱火鼓譟、船坂
 兵不能支、委棄器械、緣山逃潰、和義不得出
 救、義助已奪船坂之嶮、遣江田行義于美作、
 大井田氏經于備中、攻諸城、親留攻三石城、
 和義等相持旬日、官軍糧乏勢屈、未能拔諸

城赤松則祐至筑紫勸尊氏速出兵尊氏乃引兵東上義助棄圍而去和義從尊氏入京師及高師直謀除足利直義和義與子宜義及足利高經等率兵警衛直義第會尊氏直義講和和義以前黨于直義懼得罪於尊氏削髮更名心勝以自解禍太平記正平十六年足利義詮授以若狹守護若州守護次第與今富莊為食邑今富莊守護領主次第明年山名時氏遣其將小林重長略丹波守護仁木義尹也和久拒

之義詮遣和義及遠江守護今川貞世等發兵往助之重長兵勢頗勁和義等難之至篠村建營柵不輒進重長糧盡自退因引還太平記不知其所終子棟義陸奧守義幸宮内少輔尊卑分脈宣義治部大輔太平記上杉憲顯内大臣藤原高藤之裔高祖清房承久之難薙髮侍後鳥羽帝於隱岐尊卑分脈上杉家曾祖重房為修理大夫從宗尊親王居鎌倉始食丹波上杉莊因氏焉上杉家譜父憲房任

兵庫頭○頭或薙髮號道欽○欽或足利尊

氏上杉氏之出而憲房之甥也、以故最見信

重參取尊卑分脈上尊氏之歸順也、首引憲

房計議、憲房乃贊成之、因從西上、路過參河、

尊氏又使憲房就吉良貞義謀之、貞義亦盛

獎其事、尊氏始召諸將告策難太平記遂討滅北

條氏、尊氏甚賞其功、授以上野守護梅松官

軍東下、憲房與細川和氏等勸足利直義逆

拒之、遂從尊氏入京師太平記戰于四條河原、

以其首預密議、力戰遂死之難太平記參、憲

顯敘從五位上、為民部大輔尊卑分脈與兄重能

從直義拒官軍于手越河原、又從尊氏入京

師太平記尊氏之走筑紫也、塗遣憲顯于石見、


異本太平記既而尊氏再舉犯闕、憲顯以石見兵

進、會于備後、從入京師、及鎮守府大將軍源

顯家擊鎌倉、憲顯與細川和氏等拒于利根

川、戰敗而退、顯家遂與北條時行、新田義興、

并兵進攻、憲顯等又失利、擁義詮出走、顯家



義興等西上、憲顯竄于相模、招發武藏、上野兵、與諸將追至美濃、青野原、與義興及宇都宮公綱遇、殊死戰、衆寡不敵、遂敗走、正平四年、足利基氏為東國管領、憲顯與高師冬並為執事輔之、太平記、正平四年、據喜連川系圖、授上野、越後、伊豆、守護、上杉家譜、初、重能為高師直所殺、憲顯等深仇之、及足利直義歸順、欲誅師直兄弟、憲顯子能憲代父在上野、○本書以能憲為杉家譜喜連川系圖訂之、遙應直義、將攻鎌倉、憲顯聞之、

偽稱擊能憲、將兵馳至上野、與之合、回進至武藏、東國兵士來歸者甚多、高師冬挾基氏來擊、於路軍變、師冬敗死、明年、憲顯入京師、從直義北走、轉至鎌倉、尊氏親來擊、屯薩埵山、直義遣憲顯及石塔義房、石塔賴房、將大兵分路並進、圍薩埵山、時尊氏兵勢甚弱、憲顯等易之、合圍數重、待其自潰、衆有請戰者、又不許、已而援兵競至、憲顯大懼、乃走信濃、諸將潰散、直義由是竟致敗滅、會新田義宗

奉宗良親王據笛吹嶺、憲顯率兵出屬之、從
 與尊氏戰不利、憲顯驍卒有長尾彈正根津
 小次郎者、並謀刺尊氏、彈正被髮、小次郎傷
 面、各揭死首于刀鋒、陽為尊氏兵士、深入其
 軍、有問之者、即應曰、獲新田氏首級、將以獻
 將軍、距尊氏僅十餘步、尊氏兵覺之、聚圍二
 人、知事不成、揮刀亂斬、所觸糜碎、遂突圍而
 退、憲顯復還信濃、時帝出御男山、憲顯奉詔
 從新田義宗入援、路聞男山已陷而還、
太平記

足利基氏深思舊勲、乃宥其罪、再授以越後

守護

○喜連川系圖為憲顯自至鎌倉歸舊
 罪、薙髮更名基氏再授越後守護

守護芳賀禪可不受代、發兵攻憲顯、憲顯與
 戰數月、大敗之、禪可僅以身免、無幾基氏遂
 徵憲顯為執事、禪可復出兵要之於板鼻、基
 氏聞之親擊禪可滅之、憲顯得開道馳至基
 氏軍、與俱還鎌倉、太平記、參取
 喜連川系圖基氏死、其子
 氏滿為管領、憲顯執事如故、時氏滿尚幼、近
 郡之兵多背畔者、憲顯奉氏滿擊而平之、
連

川系正平二十三年死時年六十三憲顯嘗

於伊豆創國清寺世因號憲顯曰國清寺按○

畠山國清亦為基氏執事管伊豆守護則寺或國清所創而以憲顯亦葬于此仍襲為其

法號歟今無所七子憲將憲賢賢或能憲

考姑書于此憲顯尊卑分脈作憲春憲英憲方憲榮憲將任

兵庫助憲賢稱越後次郎早死能憲為伯父

重能養子憲春任刑部大輔上杉家譜仕足利氏

滿為執事上杉家譜喜及氏滿有異謀召憲

春計議憲春固諫不聽乃還家作書諫之辭

意懇到書成自殺氏滿見而驚悔為寢其計

而事頗泄氏滿乃贈書義滿告無佗志事由

此得解憲春之力也鎌倉大草子○上杉家

密承義滿憲英初名憲定歷兵部大輔藏人

為陸奧守憲方為右京亮任安房守及憲春

死為執事憲榮家稱葛見為右近衛將監出

紹兄憲賢後任越後守仕足利義滿為僧而

終上杉家譜參取

重能本姓宮津氏憲房之甥也父曰道宏宏○

大日本書紀 卷一百五 死傳 十五

或作為勸修寺別當、重能幼為憲房所子養、

上杉家譜、元弘之亂、北條高

時遣足利尊氏犯京師、尊氏竊謀歸順、軍到

鏡驛、重能與細川和氏披帝所賜詔書示尊

氏、以贊成之、後朝廷遣新田義貞討尊氏、尊

氏奔入建長寺、將剔髮、重能密與足利直義

謀、矯作帝討尊氏詔書、以激成其叛、事具尊

氏傳、遂從尊氏入京師、將兵拒官軍於出雲

路、不利而還、乃從尊氏西走、太平記尊氏再以

兵犯京師、抵室津、留候風、時直義已過陸、軍

期太急、一夜有西風帶雨而至、尊氏喜以為

便也、將發、眾尚難之、乃召諸舟棹卒問之、僉

謂月出風將轉、重能舟有老手曰孫七、謂曰、

此風甚可慶也、月出雨止、而風勢益順、雖少

勁急、不足為慮、可以起碇也、尊氏大嘉其言、

授之以左衛門尉、即命解纜、果如其所料、梅松

論尊氏入京師、據東寺、義貞來攻、呼尊氏求

戰、尊氏將出應之、重能牽袂諫之曰、義貞孤

軍深入、以徼一時之功耳、將軍豈可自輕乎、
 尊氏然之而止、重能素與畠山直宗善、疾高
 師直兄弟專權、謀代執時務、密使僧妙詰勸
 直義除之、直義納其言、遂定誅師直之計、事
 敗、尊氏流重能直宗於越前、以謝師直、師直
 潛使八木光勝誘殺重能、太平記二子顯能、能
 憲、顯能歷修理亮、民部大輔、上杉家譜及尊氏之
 與直義講和、師直師泰從歸京師、園太曆、太平記、喜連
 川系圖、顯能以其父讐也、於路要殺之、尊氏大

怒將誅之、直義營救、乃免其死而流之、園太曆

能憲憲顯之子、上杉家譜、喜連川系圖重能養之為子、

上杉家譜○太平記家稱宅間、上杉家譜為藏人

左衛門尉、太平記兵部少輔、上杉家譜、喜連川系圖重能

之死、能憲有志復讐、上杉家譜及足利直義歸順、

能憲應之、高師冬來擊、軍潰、諏訪隆種應能

憲擊殺之、太平記憲顯死、足利氏滿以能憲朝

房並為執事、子孫皆世其職、稱為兩上杉、喜連

川系圖、上杉家譜、鎌倉大草子

大日本書紀 卷二百五 列傳 卅七

今川範國○尊卑分稱五郎、足利尊氏族也、

祖曰國氏、足利泰氏之姪、參取尊卑分脈、今川家譜、難太平記、

尊氏族據分脈、領參河今川莊、因氏焉、難太平記國氏生

基氏、即範國父也、尊卑分脈、今川家譜、基氏嘗曰、諸子

中可總領吾家事者、必松丸也、松丸、範國小

字也、兄賴國早死、範國為嗣、嘉曆中、難髮法

名心省、難太平記尊氏以範國為遠江守護、常樂

延元元年秋、尊氏陣于東寺、官軍絕其糧道、

軍食日匱、範國與官軍戰阿彌陀峰、破之、尋

與仁木義長拒官軍於四宮河原、三年春、與

桃井直常等擊鎮守府大將軍源顯家於青

野原、直常敗、範國更進擊、手斬數人、退憇杭

瀨民舍、時風雨夜暗、範國部下恐官軍來襲、

勸入吉良滿義黑地、川軍、範國不許、米倉某

放火焚其舍、範國不得止而去、尊氏賞其功

以為駿河守護、與采邑數十、時範國以赤鳥

為笠號、及戰得利、以為神助、遂命子孫用之、

難太平記正平中、從高師直破楠正行於四條畷、

又從尊氏擊足利直義於薩埵山太平元中

元年死時年九十常樂初足利直義手越河

原之敗細川定禪勸之戰死國固諫而避

之難後直義與官軍戰豐島河原見敗平

記從尊氏奔兵庫入佛堂將自殺國勸之

定禪固持不可因上舟赴筑紫直義德國

定禪救已而怪其所見前後各不同難太平

國四子範氏貞世氏兼仲秋氏兼後改直世

為彈正少弼越後守尊卑分脈改直世據印本

範氏歷中務大輔上總介尊卑分脈尊氏擊直義

戰近江及薩埵山範氏從有功太平正本後從

足利義詮犯吉野與佐佐木氏賴等陷平石

城太平子泰範為上總介領駿河半國難太平

山名氏清畔足利義滿義滿遣泰範及佐佐

木滿高拒之東寺明德

貞世為左京亮伊豫守今川家譜太平記花

敘正四位下尊卑分脈足利義詮授遠江守護正

平十四年從義詮犯吉野太平尋從細川清

氏拒官軍於東寺，再戰再勝，遂破之。此行也。清氏召貞世與同行，及有功，清氏約還論其賞。貞世深相要結，後貞世請遠江笠原濱松二莊，清氏不肯，翻自請而領之。貞世忿歸遠江，及義詮疑清氏之叛，以貞世素與清氏善，謂為其黨也。時清氏數招貞世弟直世，欲因申理，直世不肯往。清氏嘆曰：貞世若在不使吾負冤至此也。範國聞之，說義詮曰：賤息貞世與彼友善，急召貞世，就被謀事，因刺殺之。

則事不至大患，義詮從之，遣使召貞世。途聞

清氏已奔若狹，遂進至京師。義詮善之。難太

十六年清氏歸順，與楠正儀等來逼京師。佐

佐木高秀將五百騎迎拒，忍常寺貞世將參

河遠江兵七百餘屯于山崎。清氏至，忍常寺

高秀不戰而潰。清氏等乘機而進，貞世亦慮

不可支，退陣于鳥羽。秋，山餘軍望風敗走。清

氏等進入京師。義詮竟走近江，無幾又從義

詮攻京師，克之。太平後削髮號了俊。尊卑分

記 脈難太

建德二年足利義滿以貞世為鎮西探題

尊卑分脈應永川家傳擊菊池武光以兵寡不

得進義滿命大內義弘吉川經見援之參取應永

記吉川家傳與共進至肥後與武政戰于水島不

利又與大友親世大內義弘等將兵數千攻

菊池武朝大戰詫間原殺傷頗多會將軍宮

將兵奄至將軍宮貞世敗退菊池武天授元

年與少貳冬資戰于肥後斬之花營三時諸

島姦民乘鎮西之騷亂屢侵高麗高麗遣使

請禁侵掠貞世遣僧信弘報曰逋逃之徒多

不遵我令未易遽禁也高麗又遣大司成鄭

夢周來極陳古今交隣利害貞世厚待之乃

命還島民所虜尹明安遇世等數百人且禁

其侵掠夢周又贈書請贖國民沒為人奴者

書辭懇惻貞世又命還東國通鑑又策

鎮西之便宜條列以進義滿答書許行其事

始義弘從貞世還自京師密說曰我視今之

為政弱者無罪動而得咎强者犯法措而不

問如公之貴盛實無所顧慮然一旦或蹉跌必取笑於當世宜早為良圖也方余大友氏九州之豪族而荷公之惠自久矣若公欲有事則彼必不辭然後徇中國九州之地連據盤結將軍不得加兵問罪也自全之計莫踰于此貞世不從乃諭之曰我弟仲秋已與兒有姻好如窮厄互相救助則亦不必豫相要約也至若私作朋黨負公為身則非我之志也卿能竭忠貞以存奉公之志何失食邑之

憂卿其勿過慮也義弘深恨之常謀陷害貞世代為探題乃因義滿左右讒構之初貞世所條陳鎮西事宜既施行者義滿多更改之由此鎮西將士疑貞世私意行事也竟為離沮會足利滿兼叛義滿于鎌倉義弘遙應之以滿兼書來招貞世即封呈義滿尋義弘叛以兵至和泉義滿急召貞世還京師謂曰吾固負卿恥相見也貞世意竊喜以為鎮西處置乖張之由必可得而白也然義滿終不問

而止、或又讒之、曰、貞世子弟從士在遠江者、
 多與滿兼、故雖蒙召、顧望超超、至今而始至、
 也、義滿復信之、悉奪嚮所與書、急命歸于鎮、
 西、貞世已知被疑、不復赴任所、直歸遠江、自
 是漸恨義滿、雖不往屬滿兼、心竊與之、觀望
 時變、義滿怒、欲先討貞世、既而滿兼事和解、
 其黨貸而不問、貞世不自安、退居藤澤、義滿
 以其密邇鎌倉、恐復勸滿兼作亂、命居遠江、
 久之、義滿念貞世前功、召至京師、赦其罪、貞

世居常無聊、嘗歎太平記多紕繆、著書駁之、

號曰難太平記、應永末死、難太平記○按諸

月、而本書結末言其貞世善和歌、兼好文學、

所著有落書鈔、落書露顯、今川雙紙、九州合

戰記、貞世初見弟仲秋為政不善、作家訓誡

之、其言剴切、仲秋為悛行、世傳其書號了俊

壁書、今川記○今所行今川狀、初範國欲以

駿河與貞世、貞世以兄範氏嘗欲之、固讓不

受、及範氏死、貞世復讓於範氏子氏家、範國

甚奇之、臨終遺言、命貞世幹掌門族事、氏家亦深感貞世恩、臨死遺命、以領國與貞世子貞臣、貞世固執其志、不肯受之、適氏家無息胤、其弟泰範為僧居建長寺、貞世請使還俗襲氏家職、足利義滿為分駿河、給半于貞世、半于泰範、管領細川賴之嘆其廉讓為難及也、而泰範反疑貞世自請取之也、於是欲更奪遠江、譖貞世有貳志、義滿命以遠江與仲秋、難平記太貞世四子貞臣、貞繼、言世、貞兼、尊卑分脈

貞臣從四位下伊豫守、

今川家譜

左京大夫、貞繼

亦為伊豫守、言世左馬助、貞兼左京亮、

或作左

右貞世弟仲秋本名國泰、後改賴泰、又更今

名、為左衛門佐、

明德記

中務少輔、

尊卑分脈天

授中從貞世赴鎮西、擊菊池武國大敗績、

菊池

武朝

元中八年山名氏清畔、足利義滿、義滿

親將擊之、以仲秋監軍事、明德記後薙髮更名

仲高、

印本尊卑分脈

範滿、範國弟也、

印本尊卑分脈

為刑部少輔、小手差

原之戰、範滿適疾不能騎、乃扶上馬、縛兩足

于逆韞、出戰死、難太平記

賴貞、範國兄、賴國子也、今川家譜、印本尊卑

作賴賴國為式部大輔、難太平記建武中從官軍

討北條時行於相模川、戰沒、難太平記賴貞登從

五位下式部丞、尊卑分脈刑部大輔、為駿河守、難太平

平家譜、今延元元年尊氏再犯京師、賴貞率丹

後但馬兵、與仁木賴章先諸將入京師、破官

軍於竹田、梅松論尋率但馬若狹兵圍金崎城

不利、明年高師泰聞里見時成等為金崎繼

援、又遣賴貞將二萬餘人扼要路、宇都宮紀

清黨來戰、賴貞射卻之、瓜生天野齋藤小野

寺繼至、賴貞敗退、後從高師直與桃井直常

戰於京師、太平記

大日本史卷之二百五終

居信濃據源平盛衰記

源義仲起兵、義清引兵赴丹波、

平忠度不戰而退、海玉及平氏據屋島、義清與

海野幸廣等將兵七千、記源平盛衰屯備中

水島、將攻屋島、為平重衡等所敗、與弟義長

等力戰而死、源平盛衰記平家物語○盛衰

政戰死誤義清、生義實、義實生義季、義季居參河

細川、稱細川二郎、義季曾孫曰公賴、生和氏

賴春、尊卑分脈和氏為阿波守、尊卑分脈元弘之

役、足利尊氏密圖歸順、和氏與上杉重能俱

贊成其計、及攻六波羅、尊氏欲四面圍之、和

氏曰、兵窮則守必固、不如開其走路、尊氏善

之、為紆圍一角、敵兵果相爭出降、尊氏乃令

和氏及弟賴春等將兵討北條高時于鎌倉、

途聞新田義貞已誅高時、取鎌倉、便往下野、

擁足利義詮入鎌倉、和氏自嫌後期無功、將

翻攻義貞、梅松論初義貞取鎌倉、閱首級於鶴

岡社、因啓神庫、展視寶器、有二引兩旗、二引

兩者、足利氏旗號、相傳源義家遺物也、和氏

等傳聞為義詮乞之義貞拒而不與和氏等欲因之生事時關東新平士歸義貞者相踵以故不得輒發乃大宣揚尊氏之得朝獎以扇擾衆心於是將士稍去義貞歸義詮和氏等竭心綏撫因留輔義詮居鎌倉義貞大恚之由此新田足利始生嫌隙和氏從尊氏討北條時行有功及尊氏反于鎌倉和氏又與上杉重能為之謀主太平記遂從而犯京師尊氏之走筑紫也使和氏率其族留于讚岐讚岐

據諸異本
太平記

攻略四國數月尊氏再犯京師和

氏等率舟師從戰于兵庫又戰于京師並有

功後復與賴春師氏俱輔義詮居鎌倉梅松論

會鎮守府大將軍源顯家來討和氏等出拒

於利根川戰敗而退太平記興國三年死年四

十七尊卑分脈和氏嘗著夢想記敘當時事難太平記

○按梅松論記細川氏功頗為溢美而其書託宿菅廟所聞疑即夢想記也而子清

氏賴夏清氏自有傳賴夏出為仁木賴章養

子尊卑分脈和氏弟賴春

賴春稱源九郎、為刑部大輔、任讚岐守、分尊卑

細川足利尊氏犯關、賴春與兄和氏等從之、

尊氏軍敗走兵庫、會周防長門兵至、使賴春

等領之、拒官軍於瀨河、賴春殊死戰、又敗被

創、尊氏遂逃于筑紫、賴春從和氏留居讚岐、

尊氏再犯京師、賴春與諸將累拒王師、梅松論

尋攻中務卿尊良親王于金碕城、陷之、興國

初、脇屋義助將官軍平伊豫、入守國府、亡幾

義助病卒、賴春聞之以為機不可失、即率兵

七千餘攻破河江城、進赴世田城、官軍別將

金谷經氏以兵三百許逆擊于千町原、賴春

望之謂曰、是皆精銳、將逼我決死也、宜疲而

斃之、乃戒飭士卒、分眾為三隊、親將其前隊、

經氏兵來衝之、賴春佯披避之、經氏又擊破

一隊、後隊兵接戰、遂大敗之、斬首二百餘級、

經氏僅以十餘騎脫去、遂進陷世田城、守將

大館氏明死之、正平三年、從高師直與楠正

行戰破之、初、賴春屬直義、後從尊氏攻直義、

太平記、從尊氏以下、據天正本、太平記、尊氏命為侍所、七年足

利義詮據東寺、王師來襲、賴春率兵三百餘

赴援、○本書或途與和田正忠楠正儀戰、馬

驚墜地、有三卒逼斫之、賴春臥斬二人、方起、

一奴踵至、援槍搥之、中喉而死、太平時年五

十四、尊卑分脈、○細川賴春善射、後醍醐帝

嘗講射馬場殿、召賴春充耦、十發皆破的、又

命乘矢、亦中、賞賜衣物、賴春上和歌謝之、帝

益嘉歎、細川家譜子賴之、賴有賴元、詮春、滿之、賴

之自有傳、賴有右馬頭、賴元為兄、賴之養子、

詮春讚岐守、左近衛將監、滿之兵部少輔、備

中守護、賴春弟師氏為掃部助、尊卑分脈從弟顯

氏、

顯氏稱小四郎、○本書或父曰賴貞、尊卑分脈建

武中從足利直義居鎌倉、會北條時行倡亂

至武藏女影原、賴貞力疾赴戰而歿、天正本

○梅松論曰、賴貞時有疾、浴相模溫泉、顯氏

從直義走至參河、馳人報狀、賴貞曰、我不幸

罹疾、聞賊起、不得效力、安以殘喘、累汝曹死

節之、念乎言訖、對使者伏刀而死、未知孰是、

顯氏任陸奧守兵部大輔尊卑分脈○園太曆

少為引付頭分脈從足利尊氏陷京師又從

奔筑紫戰于多多良濱顯氏留讚岐未知孰

是既而與弟定禪抵京師與新田義貞等戰

有功梅松論正平二年將兵攻楠正行于河內

抵譽田遇伏大敗退保天王寺顯氏與正行

戰于教興寺夜為正行所尊氏遣山名時氏

援之竝潰而還天正本顯氏家于京師錦小

路及直義為高師直所訴停職徙居焉太平記

卑分脈其歸順也顯氏從之與俱攻尊氏及和

議成從直義還京師直義奔越前太平記顯氏

承尊氏旨往喻直義解兵園太曆直義拘之不

遣命與畠山國清桃井直常拒尊氏於八相

山不利顯氏與國清又諫直義與尊氏講和

委政于義詮直義大然之出與尊氏相見直

常固沮不可和議再敗天正本顯氏取事不

諧欲削髮為僧尊氏聞而止之因從還京師

園太曆七年義詮據東寺拒官軍和田正忠楠

正儀火七條坊市而進、顯氏率兵百餘赴之、與戰而敗、僅與七騎還讚岐、得兵三千、○見行本

太平記或作六十再至京師、與諸將往攻男山、諸將

方戰于園殿口、佐羅科、太平記顯氏火民家夾

擊、官軍不戰而退、遂與細川清氏進營如法

經塚、湯川莊司二百人相率來降、男山陷而

還、園太曆太平記七月出家、明日死、園太曆常樂記顯氏能

和歌、尊卑分脈好禪、嘗以軍事抵甲斐、參慧林寺

僧疎石、甚崇信之、遂薦于尊氏云、梅松四子論

繁氏、業氏、氏之、政氏、繁氏為式部丞、正平中

為伊豫守、足利義詮命鎮撫九國、先往讚岐

調戰艦、崇德院堂領亦課軍糧、未發暴病而

死、世以為帝所崇、太平記堂領據園太曆業氏和氏子、

顯氏養為子、兵部大輔陸奧守、氏之賴貞季

子、亦為顯氏養子、伊豫守、政氏左近衛將監、

尊卑分脈顯氏弟定禪、

定禪少而削髮、為鎌倉若宮別當、任律師、稱

卿、律師、尊卑分脈太平記北條時行之亂、定禪與兄

顯氏從足利直義走至武藏狗庭原傍郡兵
 應時行來攻勢甚銳定禪督士卒殊死戰敗
 之金勝院本後往居讚岐及足利尊氏反犯
 京師以書招之定禪即起兵應之軍于鷺田
 莊高松守將舟木賴重來討賴重氏據次屋
 島定禪夜襲大敗之於是四國人士悉歸定
 禪備前人飽浦信胤田井信高亦起兵應定
 禪據備中福山城定禪勢益張延元元年以
 兵東向遇赤松範資于途相率而進是時尊

氏已至大渡與新田義貞相持脇屋義助亦
 壁于山碕以拒尊氏定禪範資先攻義助走
 之義貞遂棄大渡而退定禪追敗新田義顯
 長驅入京師車駕已幸延曆寺定禪等即縱
 火焚宮闕太平記參尊氏命定禪與兄顯氏
 等往至園城寺以僧徒急犯行在時鎮守府
 大將軍源顯家發陸奥兵赴行在軍勢甚熾
 將來攻園城寺定禪等大恐累發三使請益
 兵尊氏不許定禪等出拒唐碕見敗退戰于

園城寺、又敗、遂退還京師、義貞等乘之來攻、
 尊氏兵大敗、棄京師而遁、定禪深憤之、謂士
 卒曰、京師不守、吾曹之由、可不一戰以雪恥
 乎、料新田氏之軍已疲、不可復用、而餘兵皆
 志在金帛、必四出劫掠、襲之則克、即夜簡兵
 三百、縱火返鬪、義貞等敗走、追斬其部將數
 人、尊氏復入京師、太平記於是定禪勇警軍中、
 後與義貞戰于兵庫、又大破之、遂從尊氏戰
 于京師、定禪功居多焉、梅松論又以兵攻阿彌

陀峯、破官軍而還、太平記弟僧皇海直俊、皇

海若宮別當、參取梅松論、清和源氏系圖稱三位房、尊卑分脈

直俊為民部少輔、印本尊卑分脈稱帶刀先生、尊卑分脈

梅松論延元中從顯氏定禪戰于京師、義貞敗


退、眾議欲攻阿彌陀峯、直俊曰、阿彌陀峯之

敵皆近畿、烏合據城而戰、固其所欲也、宜先

擊竹田敵、回兵由木幡稻荷、襲阿彌陀峯、腹

背夾攻、破之必矣、守殿當出兵七條、要其走

路也、乃與顯氏等攻竹田、直俊與二騎先進、



排門而入身被重創衆繼進急攻官軍陷水
 溺死略盡還抵阿彌陀峯自營後衝之直義
 亦進兵當其前官軍狼狽不戰而逃梅松論後
 與大塚惟正戰於河內敗死尊卑分脈和田系圖裏書文書

大日本史卷之二百六終

大日本史卷之二百七

列傳第一百三十四

權中納言從三位源光因貞修

男權中納言從三位綱條校


玄孫權中納言從三位治保重校

將軍家臣十七

畠山國清弟義深

仁木賴章弟義長

石塔賴房吉良滿貞



小笠原貞宗

畠山國清六世祖曰義純、左馬頭足利義兼

子也、尊卑分脈初北條時政殺女壻畠山重忠、以

女再醮義純、與以重忠食邑、因為畠山氏、畠山

系圖父家國為尾張守、尊卑分脈畠山系圖、國清歷左近

衛將監、阿波守、左京大夫、為修理大夫、尊卑分脈

太平記、建武二年從足利直義拒新田義貞於

矢矧鷺坂、明年從足利尊氏戰于京師、遂從

奔筑紫、與直義擊菊池武敏破之、又從尊氏

攻延曆寺有功、為紀伊守護、太平記、延元元年

攻大冢惟正於八木、不克、和田系圖、正平四

年代高師泰據河內石川砦、與楠正儀相持、

國清族直宗與上杉重能嫉高師直、譖於直

義、直義信之、謀滅高氏族、事泄、師直廢黜、直

義殺直宗重能、居亡幾、尊氏庶子直冬據肥

後、師直勸尊氏親擊之、師直為軍後、直義承

間走大和、依越智某、國清徹石川營、率千餘

人叛趨直義、六年直義使桃井直常攻尊氏

義詮于京師、尊氏軍敗、奔于西海、直義乃遣石塔賴房追之、戰于播磨光明寺、反為所圍、國清率三千餘騎救之、尊氏解圍而去、將赴兵庫、國清賴房相遇、御影濱、敵軍大喊來薄、國清伏兵連射、尊氏不能支、與師直等走保松岡城、旦暮將陷、會饗庭氏直潛出城、詣國清營、議和、和氏直名據園太平曆國清給答曰、錦小路殿每賜書誠僕、我舉非讐將軍、欲略懲師直兄弟耳、汝宜體此意、臨戰勿妄害執事兄弟也、

其書今存、因舉數通示之、氏直歸報、於是和議成、師直師泰出降、見殺於途、太平記既而嫌隙又生、國清從直義奔越前、與細川顯氏桃井直常拒尊氏於八相山、不利、國清顯氏勸直義再講和、直義從之、將出與尊氏會、為直常所沮而止、國清顯氏忿其議不成、乃去從尊氏、園太平曆天正本攻直義於薩埵山、直義戰敗、走伊豆、尊氏遣國清及仁木賴章等誘致于鎌倉、幽之、遂酖殺焉、太平記先是尊氏置次

子基氏于鎌倉為關東管領及尊氏破新田
 義宗還京師留國清為鎌倉執事喜連川後
 薙髮號道誓尊卑分脈畠山系圖十三年武
 藏上野土豪將挾新田義興起兵國清以計
 誘殺義興是時尊氏即世長子義詮新立人
 懷危懼皆以為義詮基氏終不相好也國清
 兩貌視之因圖乘機逞兵專威權說基氏曰
 頃來人謂將軍兄弟不相容必生兵釁臣請
 借兵南侵以解嫌疑基氏善之十四年命發

關東八國兵國清欲先收人望徧詣諸將士
 卑辭布款啗以厚賞將士悉應之遂大舉赴
 京師兵號二十萬○園大曆作數萬器械精新軍容
 甚盛諸豪貴夾路競觀行在為之震動乃與
 義詮分道南侵明年義詮頓軍尼崎國清進
 陣津津山逼官軍官軍五百餘騎出降數與
 官軍相挑縱兵抄掠遂攻陷數城楠正儀退
 入金剛山國清輒與義詮引軍還京師初國
 清西上嫉仁木義長專權密圖除之至是引

與義長素相惡者細川清氏等晝夜酣讌寢
至款洽乃說之曰今日與諸君飲有何所隱
僕西上實爲誅義長也彼其所爲慢棄神佛
耽嗜漁獵蔑幕府犯法令日者吉野之役我
勝則憂我敗則喜此意竟謂何如我願爲將
軍除之在坐悉同其謀會和田正忠楠正儀
發兵將攻譽田城國清託防禦與同謀者率
兵七千先馳赴天王寺正儀等輒退國清
本無意與官軍戰因駐寺中數日遂返兵攻

義長比至京師義長既東走既而官軍復起
攻紀伊和泉河內諸城京畿繹騷一時大闕
歸咎國清國清好著狐皮蔽腰時人惡之作
狐媚歌譏之優倡兒女唱者滿街國清懼禍
及潛逃還鎌倉義長部下參河守護代西鄉
某與吉良滿貞舉兵于矢矧尾張人小河某
等應之築寨小河竝扼其歸路國清間關僅
而得歸初國清之南寇將士資糧乏絕多亡
歸者國清已還鎌倉悉沒其食邑將士訴之

不聽主吏偶啓其事、輒黜罰之、十六年將士
 千餘人相率造基氏、請罷國清、基氏乃數其
 構內難之罪、逐之、國清與諸弟及從士三百
 餘人赴伊豆、路宿小田原、土肥掃部助來襲、
 國清拒卻之、遂入伊豆、與二弟分據三津金
 山修禪寺三城、○北條家本三津作三戶、北
 條家本南都本金山作長濱、
 明年基氏遣平一揆以兵三萬來攻、平一揆
 與葛山備中守因事相爭、國清家士遊佐神
 保等覘知之、乘夜襲之、敵互懷疑懼、不戰引

還、基氏乃自出陣箱根、遣新田義一將兵攻

之、義一名據喜
 連川糸圖國清勢窮、火三津金山城、走

保修禪寺、初國清執事十餘年、其妹爲基氏

妻、由是權勢薰灼、關東將士莫不趨附、及起

兵之日、無一人赴難者、雖親舊亦多離叛、糧

食日乏、欲計出走、恐無所容、乃歎曰、吾悔殺

新田義興也、因固守數月、基氏詐遣使招降、

國清遂著僧衣出降、遣弟義深于基氏營、自

留居伊豆府數日、基氏將掩殺國清等、遣兵

梗路、夜有人告國清曰、聞明日將有異處分、

國清輒目弟義熙、義熙名據尊卑分脈○天
正本作國熙、毛利家本義

國、偽為近出、令一奴持刀、徒步奔藤澤佛寺、

寺僧給以馬二匹、僧二人、晝夜馳至京師、匿

七條佛寺、又去居宇治、憑楠正儀請歸順、正

儀卻而不奏、○西源院本
為朝議不許遂竄大和山城之

間而餓死、太平
記子義清任左近衛將監、畠山
系圖

阿波陸奥守、弟義深、尊卑
分脈尾張能登越中河內

義深稱三郎、尊卑分脈
畠山系圖尾張能登越中河內

和泉紀伊守、畠山
系圖尋為伊豆守護、從國清居

鎌倉、及國清被逐、從奔伊豆、明年基氏招之、

偽許復伊豆守護職、義深造基氏箱根營、俄

聞國清出亡、大驚、不知所出、詣結城直光請

救死、時基氏將撤陣還、直光盛義深于大櫃、

穴底通氣、擔而從、鎧函後、遂得脫去、後居京

師、足利義詮免其罪、授越前守護、與諸將攻

足利高經於杣山、數月高經死、其子義將出

降、越前平、義深在任、頗有治績、太平
記天授五

年死尊卑分脈年四十九常樂初義深聞國

清出奔密為逃計其臣遊佐性阿知其狀欲

令人不覺故與左右飲博戲笑以混其迹比

行已遠事稍洩兵士忽至執之性阿乃披僧

服而走道為人所覺入逆旅而自殺太平譽

田性意亦義深之臣走至駿河為今川範國

所執其子彌三郎往請代死性意視之謂非

己子彌三郎固爭不已範國愍而兩釋之毛

家本天正義深子基國深秋尊卑分脈

仁木賴章稱二郎三郎其先出足利義清義

清孫實國居參河仁木稱仁木太郎實國玄

孫義勝生賴章賴章歷任周防伊賀守左京

大夫兵部大輔尊卑分脈梅足利尊氏起兵

賴章與弟義長每從軍及尊氏反賴章與新

田義貞戰於矢矧鷺坂不利尋從尊氏破官

軍於竹下遂入京師及尊氏奔筑紫途遣還

賴章于丹波與久下長澤荻野波波伯部等

據高山寺城太平尊氏再入京師賴章與今

川賴貞率丹波但馬兵先抵京師、義貞攻尊
 氏東寺營、賴章與上杉重能等擊卻之、梅松論
 新田義顯據金碕、賴章率丹波美作兵由鹽
 津往攻之、正平中從高師直與楠正行戰于
 四條畷、又從與桃井直常戰于白河、尊氏西
 遁、留子義詮於石龕寺、使賴章義長佐之、從
 義詮入京師、時尊氏與弟直義內不相和、以
 故賴章兄弟及細川賴春、土岐賴康、佐佐木
 高氏、石塔賴房、上杉憲顯、桃井直常等各分

黨與逃歸國、賴章託浴溫泉奔有馬、義長奔
 伊勢、及尊氏東擊直義、賴章兄弟從攻直義
 於薩埵山、走之、又從尊氏與新田義宗戰于
 小手、差原有功、足利直冬將攻尊氏山名時
 氏應之、時賴章為尊氏執事、以丹波守護在
 佐野城、時氏率兵過城下、賴章畏其鋒不出、
 尊氏與直冬、桃井直常戰于京師、賴章率丹
 波丹後兵三千陣于嵐山、賴章恒懦、觀望成
 敗、不敢進、後從義詮犯吉野、太平記十三年薙

髮號道璟尊卑分脈明年死尊卑分脈年六十一

尊卑分脈子義尹○本書或為賴夏子為中務少輔兵部大

輔尊卑分脈補丹波守護山名師義遣小林

重長略丹波義尹出陣和久告急義詮義詮

遣諸將助之重長不戰而退太平記告急初據天正本

賴章養細川和氏子賴夏為子○本書或為清氏子稱

三郎左京權大夫中務少輔賴章弟義長尊卑

義長稱二郎四郎歷任越後守右馬權頭修

理亮右京大夫尊卑分脈足利尊氏與

菊池武敏戰于多多良濱尊氏軍鎧馬不備

足利直義以宗像官司宗像政弼所給鎧與

義長政弼名據金勝院本義長擲之挺前力鬪手斬數

人由是軍氣百倍武敏敗走義長及一色賴

行追擊至肥後賴行名據尊卑分脈武敏出奔乃進攻

內河義直八代城走之尊氏攻京師義長及

賴行留鎮筑紫尋歸京師梅松論參取太平記尊氏與

新田義宗等相擯于金井原義長與賴章分

大田本姓 卷一百七 川傳

大田本姓 卷一百七 川傳

手下兵三千伏叢薄間既而尊氏敗走新田
 義興脇屋義治縱兵窮追義長乃突起奮擊
 義興等俄作魚鱗陣義長亦整陣當之斬獲
 甚多義興義治敗走自尊氏起兵義長屢立
 戰功為參河伊勢伊賀等四國守護食邑數
 百所為人兇殘賞罰任意驕恣特甚嘗詣鶴
 岡殺入於社中又牝男山神人其在伊勢豪
 占神戶三郡祭主訴之京師後光嚴院命尊
 氏下書責還義長怒祭主訴已肆意漁獵於

神路山五十鈴川曾不經意

太平記

在京師侵

奪細川清氏宅地清氏怒欲相攻尊氏和解

而止

園太曆

又怒參河人星野行明在國擅屬

清氏沒其邑又規奪土岐賴康佐佐木氏賴

之邑以故諸將惡之會足利義詮犯吉野使

義長以兵三千出陣西宮

園太曆

作兵五百島山國

清亦率兵西上素嫉義長圖為之所而義長

欲自專功忌國清兵盛冀其沮敗聞國清先

鋒戰于龍門山抵掌笑曰使汝諸軍露體脫

走亦可以爲一快已而國清還京師陰聚諸將謀殺義長會官軍攻譽田城國清託應援與諸將赴四天王寺議返攻義長義長聞之說義詮曰聞國清清氏分兵至自四天王寺是欲藉口于臣而圖亂也請爲之備義詮曰此訛言也事若實我與卿誅之誰敢抗者義長大喜籍兵得七千餘人言曰國清十萬兵焉得若許精強乃遣姪賴夏率二千餘人守四條大宮遣弟賴勝守東寺率一千餘人火

民屋勒兵自備恐義詮通意於國清與賴夏率兵護義詮第抑絕内外自爲執事請綸旨教書討國清清氏卽夜義詮與佐佐木高氏謀而逸去黎明義長賴夏請義詮出見將士怪義詮不在閉門大索不獲於是衆情離沮皆遁去留者僅三百餘人敵軍稍近義長不知所爲聞道奔伊勢賴勝逃丹後賴夏逃丹波尾張人小河某東池田某據小河莊參河守護代西鄉某及吉良滿貞張陣矢矧竝應

義長皆相繼敗歟石塔賴房集伊賀伊勢兵、
 推義長叔父義住為將、義住名據毛利家本、
作脈○分脈陣近江葛木山、與佐佐木氏賴等
 戰、義住敗降、義長在伊勢、擁兵三千餘人、至
 是逃亡甚多、僅以五百餘人據長野城、佐佐
 木氏賴土岐賴康來攻、相持二年、義長軍食
 日縮、族黨多降、迺遣使吉野歸順、二十年又
 請降、義詮、義詮思其舊功、宥罪還京師、太平記
 後削髮、天授二年死、後愚昧子滿長為右馬
別記

助、尊卑分脈

石塔賴房、足利氏之庶流也、足利泰氏養孫

賴茂為子、稱石塔四郎、賴茂生、義房、義房生

賴房、尊卑分脈賴房為右馬頭、中務大輔、尊卑分脈、太平記

記足利直義謀殺高師直、事敗出奔大和、匿

越智某所、賴房與越智勸直義歸順、天正本太平記

奉詔討足利尊氏、將兵據男山、以窺京師、既

而尊氏走于播磨書寫山、直義乃遣賴房及

上杉朝房將兵追擊之、屯光明寺、與尊氏相

持會高師泰自石見還援尊氏軍勢復振賴房請益兵于直義俄而尊氏來攻賴房等力戰連破之直義又遣畠山國清上杉義依為援尊氏退陣兵庫賴房又擊破之尋從直義奔越前尊氏將兵來擊太平記賴房與桃井直常逆戰近江八相山被敗賴房匿觀音寺城天正本既而與父義房從直義於鎌倉拒尊氏于薩埴山軍敗而降義房在鎌倉竊懷異圖會新田義興等將攻鎌倉以書招之義房

欲應之召賴房謂曰薩埴山之敗忍死祈生身為降將為仁木細川等所屈辱悒悒涉日今將屬新田氏建功當世貽榮子孫汝宜與俱賴房愕然變色曰為人臣懷貳心士之所恥僕深為將軍所倚賴常思報之自古父子構兵亦各為其主也吾不可不告之于將軍父子恩義既絕不敢再見矣遂去從尊氏軍太平記○天正本後歸順授刑部卿尊卑分以此為義基事足利直冬山名時氏細川清氏相繼請命

詔許之、遣賴房及吉良族將兵助之、又俱討
細川氏春等于攝津、尋與楠正儀等攻赤松
光範、多田部城、火其街市而還。太平記、參、後
復叛與吉良義真降于足利義詮。毛利家本

平記 吉良滿貞、參河吉良人也。難太 高祖長氏足

利泰氏之弟、稱吉良太郎。尊卑 祖貞義任左

京大夫、上總介、父滿義、左兵衛佐、中務大輔、

滿貞稱吉良三郎、歷任左京大夫、治部大輔、

尊卑分脈 足利尊氏之謀、勤王、以貞義為其

族祖也、先使上杉憲房來報、貞義力贊其計、

難太平記、族祖 遂舉族從之、後皆從尊氏反、

正平七年、帝御男山、滿貞與石塔賴房將兵

五千自駿河入、援神樂岡之戰、又俱屬官軍、

與細川清氏戰破之。滿貞二字、據毛利

年、畠山國清東走、滿貞與參河守護代西鄉

某率兵要之、矢矧、適義詮以大島義高為守

護、滿貞與戰而敗、遂叛降義詮、十六年與宇

記

都宮黑田族禦官軍於大渡太平後薙髮改

名省堅尊卑分脈

小笠原貞宗幼名豐松稱彦五郎信濃人也

左京大夫長清六世孫父宗長信濃守貞宗

敘從五位下為右馬助治部大輔信濃守補

信濃守護參取尊卑分脈小笠原系管領飛

驛遠江等國事元弘之役應北條高時拒官

軍既而歸罪自效帝敕貞宗發信濃飛驒兵

從新田義貞戰于武藏野鎌倉皆有功小笠原家

譜建武二年足利尊氏反於鎌倉又從義貞

討之後叛降尊氏及帝幸延曆寺尊氏進軍

犯之貞宗率甲斐信濃兵至勢多延曆寺僧

徒徹橋拒之乃陣野路扼官軍漕路五字據太平記

脇屋義助來攻逆擊敗之據鏡山官軍來攻

又敗之退陣伊吹山告之尊氏會尊氏議出

兵近江斷官軍漕輓乃使佐佐木高氏來援

梅松論○按貞宗目安鈔貞宗是歲辭近江

可也今不貞宗既破官軍以功管領近江及高

氏至、自稱請尊氏、獲近江、貞宗大失望、弃而赴京師、參取諸本已而義貞奉皇太子保金

碕城、尊氏乃命貞宗發信濃兵往攻之、貞宗

勒銳兵八百、冒險力戰、不利而還、鎮守府大

將軍源顯家破鎌倉西上、貞宗又發兵追之、

至美濃、與芳賀禪可共拒於自貴渡、大敗、僅

脫而還、太平記其家世傳射藝、騎乘之法、至貞

宗最極其精妙、後醍醐帝為聽昇殿、因師習

之、帝嘗欲知坐鞍之法、令貞宗騎、親就其鞍

上探試之、乃大稱賞、命畫工圖而藏祕府焉、

又嘗受其射法、謂其騎射之巧、得之於天也、

乃賜書褒為武人師表、以王字銘其旗、後改

為菱、小笠原家譜○按本書及小笠原系圖

竝云、貞宗此時敘正三位、公卿補任等

書所不載、初帝以犬追物、戕害生類、敕廢之、

貞宗以為步射之與騎射、於武事不可偏廢、

而馳逐之習、以犬追物為最要、遂上書光明

院請復之、敕許之、小笠原家譜、貞宗晚自著

家譜、并作之序、誠子孫其略曰、吾家世傳弓

馬術自兵部以來至左京兆自成一家犬追物草鹿等法是其所新定驅妖魅而護國家師將府以制寇賊不可無此術凡吾子孫宜慎重無失也兵部貞純親王左京兆長清竝貞宗遠祖也子孫能遵遺訓世以其術顯小笠原家貞宗與今川某伊勢某二人議定武家禮節集成一書題曰三儀一統小笠原傳甚崇信禪教從元僧正澄受法頗有所省因薙髮改名泰山嘗創開善寺於信濃小笠原家譜

系圖世呼曰開善寺入道尊卑分脈正平五年死年五十七崇光院命其彈正臺監護葬事世以為殊榮所著有脩身錄小笠原系圖四子政長宗政宗滿政經政長敘從五位下為兵庫頭尊卑分脈信濃守護管領飛驒越後遠江等最善父祖之業嘗授之足利尊氏從入京師直武者所因訓練兵士騎射延元正平間數拒官軍有功○按本書又曰光明院嘗失其用箭射之乃獲鳥無傷人益稱異焉然其事與東鑑小山朝村射鳥相類蓋本書剽竊

